

Gwaith cartref – Uned 16



1. Dilynwch y patrwm:

- i. Mae hipo yn fawr.

Mae eliffant yn fwy.
- ii. Mae BBC1 yn dda.
- iii. Mae traffig yr M4 yn ofnadwy.
- iv. Mae pwdin reis yn ddiflas.
- v. Mae tatws yn rhad.
- vi. Mae Sir Benfro yn hardd.
- vii. Mae dysgu Cymraeg yn hawdd.
- viii. Mae seidr yn ddrud.
- ix. Mae Huw yn teipio'n gyflym.
- x. Mae Carys yn teimlo'n hapus.

2. Rhatach neu drutach? Dilynwch y patrwm:

- cwrw/gwin

Mae cwrw'n rhatach na gwin.
- i. dŵr/petrol
- ii. gwin/cwrw
- iii. te/coffi
- iv. coffi/te

3. Cymharwch: (e.e. dwy wlad - Mae Cymru yn llai na Lloegr)

- i. dwy dref
- ii. dau ganwr/dwy gantores
- iii. dau fath o fwyd
- iv. dwy ffilm
- v. dau actor/dwy actores

4. Cymharwch eich hun â phobl eraill: (5 brawddeg)

Compare yourself with other people: (5 sentences)

e.e.

Dw i'n henach na fy mhlant.

Dw i'n canu'n well na fy mrawd.

5. Darllenwch yr erthygl ac atebwch y cwestiynau.

Hanes Juri

Pan ddaeth Juri Tayama i Brifysgol Bangor i astudio Busnes, doedd e ddim yn gwybod dim byd am Gymru, a doedd dim syniad gyda fe o gwbl fod pobl yn siarad Cymraeg.

Roedd e wedi bod yng Nghaerdydd am un bore pan aeth e ar wyliau gyda'i rieni o gwmpas Ewrop, ond dim ond tair oed oedd e ar y pryd, felly doedd e ddim yn cofio hynny o gwbl. Roedd cyrraedd Bangor yn 2010 yn dipyn o sioc

iddo fe, felly. Cafodd e ei fagu yng nghanol dinas brysur Tokyo. Ar ôl y daith fawr o gwmpas Ewrop, aeth ei rieni e ddim ar wyliau gyda'r teulu o gwbl wedyn. Pan ddaeth Juri i Fangor, felly, dyna'r tro cynta iddo fe weld mynyddoedd a môr. Roedd e wrth ei fodd. Dechreuodd e nofio yn y môr bob dydd a beicio neu redeg yn y mynyddoedd bob penwythnos a dechrau cymryd rhan mewn cystadlaethau triathlon. Enillodd e Triathlon Cymru am y tro cynta yn 2011 ac eto'r llynedd. Mae e'n gobeithio ennill y fedal gynta erioed i Siapan yn y triathlon yn y Gemau Olympaidd nesa.

Y sioc fawr arall i Juri oedd yr iaith Gymraeg. Roedd e wedi dysgu siarad Saesneg yn rhugl mewn dosbarth nos yn Tokyo, ond pan gaeth e le i fyw mewn fflat ym Mangor gyda thair merch o dde Cymru oedd yn siarad Cymraeg, doedd e ddim yn clywed Saesneg o gwbl! Roedd e eisiau mynd i ddosbarth Cymraeg neu wneud cwrs ar y we, ond doedd dim amser gyda fe achos ei waith coleg. Ond achos ei fod e'n clywed Cymraeg drwy'r amser yn y tŷ, roedd e'n deall mwy a mwy bob dydd. Erbyn hyn, mae e'n siarad Cymraeg yn rhugl heb fod ar gwrs o gwbl, ac mae tipyn o acen Llanelli gyda fe hefyd!

Mae Juri wedi gorffen ei gwrs yn y Brifysgol nawr, ond dyw e ddim eisiau mynd yn ôl i Siapan eto. Ar hyn o bryd, mae e'n dysgu dosbarthiadau karate a jiwdo bob nos ym Mangor ac Ynys Môn, ac mae e'n dysgu bron pob dosbarth yn Gymraeg! Bydd ei fisa e'n dod i ben ddiwedd mis Awst, felly dyw e ddim yn gwybod eto beth fydd yn digwydd wedyn. Mae e'n gobeithio'n fawr y bydd e'n cael aros yng Nghymru am flwyddyn arall, ac ennill Triathlon Cymru eto'r flwyddyn nesa, wrth gwrs!

**1. Pam daeth Juri i Gymru gynta?**

- |  |                                |                          |
|--|--------------------------------|--------------------------|
| <b>a.</b> ar wyliau                    | <b>b.</b> i fynd i'r Brifysgol | <input type="checkbox"/> |
| <b>c.</b> i gymryd rhan mewn triathlon | <b>ch.</b> i ddysgu Cymraeg    |                          |

**2. Gaeth Juri ei fagu... /Cafodd Juri ei fagu...**

- |                        |                               |                          |
|------------------------|-------------------------------|--------------------------|
| <b>a.</b> ar lan y môr | <b>b.</b> yn y mynyddoedd     | <input type="checkbox"/> |
| <b>c.</b> mewn dinas   | <b>ch.</b> mewn cartref plant |                          |

**3. Sawl gwaith mae Juri wedi ennill Triathlon Cymru?**

- |                       |                          |                          |
|-----------------------|--------------------------|--------------------------|
| <b>a.</b> unwaith     | <b>b.</b> dwywaith       | <input type="checkbox"/> |
| <b>c.</b> tair gwaith | <b>ch.</b> pedair gwaith |                          |

**4. Dysgodd Juri Gymraeg...**

- |                       |   |                          |
|-----------------------|---|--------------------------|
| <b>a.</b> ar y we.    | <b>b.</b> mewn dosbarth nos.              | <input type="checkbox"/> |
| <b>c.</b> yn y coleg. | <b>ch.</b> trwy wrando ar bobl yn siarad. |                          |

**5. Ble mae Juri'n defnyddio ei Gymraeg ar hyn o bryd?**

- |                            |                                  |                          |
|----------------------------|----------------------------------|--------------------------|
| <b>a.</b> ar y cwrs Busnes | <b>b.</b> yn ei waith fel tiwtor | <input type="checkbox"/> |
| <b>c.</b> yn Llanelli      | <b>ch.</b> yn Siapan             |                          |

**6. Ysgrifennwch baragraff personol yn dechrau gyda 'Dw i ddim yn hoffi...'**

---

---

---

---

---

---

**Gair gan y tiwtor**

---

---

---

---

---

---